

天皇太一神律避穢經

夫上界仙都以避神穢攝生治化以避人穢  
寶符行火以避天穢合藥鍊丹以避江河之  
穢飛符使鬼以避生產之穢固際禁法以忌  
日月之穢大穢之宗略而序之

夫求仙隱遁伏鍊金丹總有三千七百二十  
道俱從此禁門而行之萬不失一夫十二穢  
皆道之所忌值此辰為之未劫不成丹也  
黃帝幸中華丹穢辰年辰月辰日是子年子  
月子日是十二辰做此不可為事造丹不

成

紫雲初成龍虎穢迅雷發日忌之不可成丹  
日月行道穢日月經日不可掛爐固際忌之  
天龍交會穢三月上辰日末下旬辰日不可  
為丹忌之

此斗真行穢正月平旦斗指寅十二月可知  
又云北斗不見不可作丹忌之

蒼天神龍交會穢天有赤雲及有龍形出者  
不可作藥封爐犯之如雲圻太歲在卯其  
神見申不可為丹忌之

府藏寶器穢古墓中無果地姓女地產生室

龍居地古湫地古城管古寺墓古市古神  
祠古獄地古密地比等處不可為忌之  
天地流星穢古仙聖所居之處不可作丹忌  
之

陰陽交會穢春丁卯夏甲午秋庚申冬壬癸  
作丹忌之

玉女追遊穢每六丁日是不可作丹忌六丁  
女也

有色穢日有朝霞作丹忌之  
天魔戰血穢石鼓鳴如地雷日忌之地神驚  
奔不安靜而後鳴七日不得作藥流入黃  
泉化飛盡矣

右件忌穢無問大小金丹藥物切宜慎之又  
以丹華印印諸藥泥塗房室并物無令五辛  
產女雞犬入室慎之慎之

產女雞犬入室慎之慎之

天皇太一神律避穢經

上清修身要事經

太微靈書紫文拘三魂之法一

道士當先檢制魂魄消滅尸鬼常以月晦朔  
之日及庚申甲寅之日當清齋入室沐浴塵  
埃正席而坐得眠者益佳當以真朱筆點

左目背下以雄黃筆點右鼻孔下令小半入  
谷裏點畢叩齒三通祝曰

二景飛經朱黃散煙氣攝虛邪尸穢沈派和  
魂鍊魄合形大神令我死萬壽永全聰明  
徹視長享利津畢又叩齒三通嚙液三過并

以右手第二指捏左目背下又以左手第二  
指捏右鼻孔下各七過當陰按之勿舉手於  
是都畢按此二處是七魄遊尸之門尸妖精  
賊邪之津梁矣故受朱黃之精塞尸鬼之路  
致二景之薰滅淫亂之氣此太極上法常能

行之則魂魄安和尸穢散絕長生神仙通靈  
徹視行之三年色念都泯也此日名曰尸鬼  
競爭之日也男女不得同席而坐慎之

凡研味至道及誦讀神經十言二十言輒當  
三過紙唇嚙液百言五十言輒兩三過叩齒

十三

十三

十三

十三

四四

以招神會靈安和血氣使靈津凝滿帝一欣宅所謂冲氣不勞昏而不泄

九道士之法不可泣淚及唾世此皆為損液漏津使喉腦大竭是以真人道士常以吐納嚙味以和六液

凡道士常當存思識已之形容極使髮鬢對在我前使面上恒有日月之光洞照一形使日在左月在右去面前今九寸存畢乃嚙齒三通祝曰

元胎上真雙景二玄右抱七魄左拘三魂今我神明與形常存畢又叩齒三七過嚙液七過此名為帝君存形拘魂制魄之道使人聰明神仙長生不死若不得祝者亦可單存之耳

凡上清叩齒嚙液之法皆各有方先後有次不得亂雜使真靈混錯也夫叩齒以命神嚙氣以和真納和嚙六液以運入制神須鳴法鼓而行列矣

凡存修上法禮祝之時皆先嚙齒上下相叩勿左右也一呼一吸令得嚙諸氣液耳此名

為呼神和真以求昇仙者也

月三日月十三日夕是此時也三魂不定爽靈浮遊胎光放形幽精擾喚其爽靈胎光幽精三君是三魂之神名也其夕皆棄身遊遊颺逝本室或為他魂外鬼所見留制或為鬼物所得收錄或不得還反離形放質或犯於外魂二氣共戰皆躁競赤子使為他念去來無形心悲意悶也學生者皆當拘而留之使無遊逸矣拘留之法當安眠向上下枕中足交手心上下冥目閉氣三息叩齒三通存心有赤氣如雞子從內仰上出於目中從目出外赤氣轉大覆身下流身體上至頭項變而成火因以燒身使巾一身令內外洞徹有如燃炭之狀都畢其時當覺體中小熱乃大叩齒三通畢存呼三魂名爽靈胎光幽精三魂急住因微祝曰

太微玄宮中黃始青內鍊三魂胎光安寧神寶玉室與我俱生不得妄動監者太靈若欲飛行唯得詣太極上清若欲饑渴唯得飲迴泉玉精都畢也

身呼邪殺質諸殘病生人皆魄之罪樂人之死皆魄之性欲人之敗皆魄之疾道士當制而厲之鍊而變之抑而止之攝而威之其第一魄名尸狗第二魄名伏矢第三魄名雀陰第四魄名吞賊第五魄名非毒第六魄名除穢第七魄名臭肺此皆七魄之陰名也身中之濁鬼也制檢之法交手於項中閉息七過叩齒七通存鼻端有白氣如小豆須臾漸大以冠身九重下至兩足上至頭上既畢於是白氣忽又變成天獸使兩青龍在兩目中兩白虎在兩鼻孔中皆向外未鳥在心上向人口蒼龍在左足下靈蛇在右足下兩耳中有玉女著玄錦衣當耳門兩手各把火光良久都畢又嚙液七過叩齒七通呼七魄名畢乃微祝曰

大微靈書密文制七魄之法二月朔月望月晦夕是此時也七魄流蕩遊走穢濁或交通血食鬼神往來或與死尸相共關入或淫惑赤子聚姦伐宅或言人之罪詣三官河伯或變為魍魎使人厭魅或將鬼入

素氣九迴制魄邪凶天獸守門嬌女執開鍊  
魄和柔與我相安不得妄動有察形原若汝  
饑渴聽飲月黃日丹都畢也於是七魄內閉  
相守受制若恒行之則濁魄下消反善舍形  
上和三官與元合靈也

太素真人教始學者辟惡夢法三

若數遇惡夢者一曰魄祛二曰心試三曰屍  
賊厭消之方也若夢覺以左手捻人中二七  
過啄齒二七通而微祝曰

大洞真玄張鍊三魂第一魂速守七魄第二

魂速守泥丸第三魂受心節度速啓太素三  
元君向過不祥之夢是七魄遊尸未協萬邪  
之源急召桃康護命上告帝君五老九真皆  
守體門黃闕神師紫戶將軍把鉞握鈴濟滅  
惡津反凶成吉生死無緣畢若又卧必獲善

應而向造為惡夢之氣則受閉於天關之下  
也三年之後唯神感旨應乃有夢也夢皆知  
見將來之明者也無復惡占不祥之想矣若  
夜遇善夢者吉應好夢而心中自以為佳則  
吉感也卧覺當摩目二七過叩齒二七通而

微祝曰

太上高精三帝丹靈絳宮明徹吉感告情三  
元柔魄天皇授經所向諧合飛仙上清常與  
玉真俱會紫庭畢此大洞秘法以傳於始涉  
津流者矣

太素真人得吉夢法四

凡學士夢想有婦女人衣紫羅衣持菜食來  
受而食之勿畏惡之也此食盡是東海真彩  
之屬或是嵩高五嶽中真草甚妙之藥食之  
可致壽延也

凡道士白日眠卧先以兩手按目四皆三七

過叩齒三七通乃卧也

凡道士暮卧當以左手按鼻兩孔三七過叩  
齒三七通乃卧也

太上黃素道士安眠祝法五

道士臨眠手撫心三過閉目祝曰  
太靈九宮太一守房百神參位魂魄和同長  
生不死塞滅邪凶畢而寤

玉清消魔制祝鬼魅法六

凡道士行來獨宿有魔精惡鬼之地當叩左

齒三十六通閉氣微祝曰

太帝陽元四羅幽關千袂萬毒敢當吾前巨  
獸重吻刺腹屠肝神公使者守衛營番黃衣  
師兵斬伐秋魂穢滅千魔摧落凶姦絕種滅  
類取今臬殘玉帝上命清蕩三元畢又叩齒

三十六通名為太帝揮神內祝塞滅萬魔之  
法

太上黃素齋見不祥之物法七

道士齋入室有不祥之物者當行北帝祝鬼  
方先叩左齒三十六通祝曰

二象迴傾玄一之旌七靈護命上詣三清雙

皇驅除嚇伯羅兵三十萬人侍衛神營巨獸  
百文吐威攝精揮劍逐邪穢落魔靈神伯所  
祝千秋滅形畢又叩齒三十六通

青腰紫書鍊祝死尸法八

凡修上清之道此身父母伯叔兄弟於世上  
死亡此身未得絕跡故在人中身履死殘者  
三日當取清水一瓮真硃一兩投於水中此  
於中庭南向臨水上叩齒九通祝曰

氣化成神尸變入玄三化五鍊昇入九天九

1 022 A 13 44 7





音梵音



欲登山住止及安居宅審地吉凶當以戊巳之日黃書九地三十六音文白紙上置所住中央以兌覆之三宿開看若有黃色潤紙大吉若有青色則下有死靈之尸若有白色者凶若有赤色者驚恐若有黑色者則有財寶若有紫色者得神仙都不異則正可三年安過此必折傷

太上靈寶八威施用神策祝法十一  
元始太真五靈高尊太帝皓映洞朗八門五老告命無幽不聞上御九天中制鄴山下領河海十二水源八威神呪靈策玉文召龍負水收氣聚雲東魔送鬼掃蕩杖群萬精推落所誅無獨日月五星北斗七元諸天諸地諸水諸山玉具所部冥靈大神仙王遊宴五帝杖幡天丁前驅金虎後奔獲天猛獸羅備四門所呼立到所召立前赤書煥落風火無聞

有所攝驗金龍驛傳畢叩齒九通仰天三嚙引天氣三嚙八威策文指所告之地閉氣九息而止

太上靈寶八威施用神杖法十二

道士欲施用神杖法當叩齒三十六通思五帝直符吏各一人衣隨方色有五色之光流煥杖上五帝玉女各一人合侍衛杖左右微祝曰

太陽之山元始上精開天張地甘竹通靈直符守吏部御神兵五色流煥朱衣金鈴輔翼上真出幽入冥招天天恭攝地地迎指鬼鬼滅杖魔東形靈符神杖威制百方與我俱成與我俱生萬劫之後以代我形影為五解神昇上清承符告命靡不敬聽畢引五方氣二十嚙止以杖指天天神設禮指地地祇司迎以杖指東北萬鬼東形

青腰紫書救助日蝕法十三

紫書訣言是日當露出中庭以明鏡向日兆身操大刀一口南向叩齒三十六通仰祝曰日暉童子陽光赤精耀羅真人影中玉靈歷

運乘氣上下肅清陰內謀上侵日庭天鑿操杖帝臣輔兵三五正位陽光洞明天地代食何假敢生各反其位無使虧盈玉帝告命靡不敬停便引氣二十四息止如此則天地復位三五齊光童子感悅日暉迴靈流光玄注陶降兆身列名紫簡記為玉清九年之內得乘綠軒乘空駕虛飛行上清也

青腰紫書救助月蝕法十四

紫書訣言月蝕之日是其夕當出中庭取清水一盃北身操刀一口臨水向月叩齒十六通仰祝曰

天地離合國氣乘虧侵蝕月虛上干黃輝帝臣操杖玉晨捕非天兵羅成神公放威有何假生附景乘微速反初位無使有違三過向月祝如此以刀右還覓水三過止臨水引氣十六息畢月蝕即解天景肅清三五齊耀萬宮安寧也月中真人夫人靈光感悅意歡迴靈玄映降子之情即記北帝落子死名注上青宮玉篇給子玉女十二人侍衛兆身九年如此得乘飛霞上造月庭其道至妙不行於

世得者實秘慎勿輕傳

太上黃素解穢穢法十五

凡道士見死尸血穢之物當以朱一鉢散內水中以洗目漱口洗手足畢入室正寢交手上叩齒二七通心拜四方祝曰

三元上道太一護形司命公子五神黃素血尸散滅凶穢沈零七液纏注五藏華生令我神仙長享利貞祝畢閉兩目并氣良久身中小熱為候竟又叩齒七通嚥液三過此三元解穢內法也

太上黃素理髮及沐頭祝法十六

凡道士理髮將髮及沐頭將散髮之時先咏齒七通乃祝曰

太帝散華玄陰大神今日吉日理髮沐塵辟惡除患長生神仙畢乃髮之竟又叩齒七通都畢此名為太帝散華理髮內法令人終年不病耳目聰明頭腦不痛

太上黃素浴身及手面法十七

凡道士浴身及洗手面之時先臨水咏齒三通乃祝曰

四大開朗天地為常玄水澡穢辟除不祥雙星守門七靈安房雲津鍊濯萬氣混康內外利貞係茲黃裳祝畢又叩齒三通乃洗手面此名為澡穢除凶七房祝法常能行之者使人神明血淨辟諸凶氣

太上黃素齋食先祝法十八

凡道士入室齋戒之時臨食常以左手持筋咏拜三通乃祝曰

二玄上道四極清冷太一帝君百神黃素受稂三宮灌溉脾靈上饗太和香味五馨魂胎受命七液流停百關通和五藏華明雙星合景飛行上清食畢又咏拜三過此名為魂胎受祭百神饗稂之道常能行之令人神明氣和魂魄安寧辟惡除穢常保利津未食祝之凡道士臨於盛饌皆正心存一思想一先飲食然後兆乃食之食畢心微祝曰  
百穀入胃與神合氣填補血液尸邪亡墜飛登金闕長生天地役使六丁靈童奉衛止恒如此者則邪氣遠退真氣來前也食竟祝之  
太上黃素道士自按摩頭面法十九

求道要先今日清耳聰為事主也且耳目是尋真之梯級縹靈之門戶得失繫之而立存亡須之而辨也大鈔相示可施用也以手按兩眉後小穴中三九過又以手心及指摩目下額上又以手旋耳行三十過次以手逆乘額三九過口傍嚥液多少無數也如此常行耳目清明於人中容為之勿語其狀次以兩手乘頭四面順髮就髻唯多也於是頭血流散風濕不凝都畢以手按目四皆二九覺令見光分明是檢眼神之適當為之得見百靈

太上黃素道士傳授先求感法二十

凡傳授上法之時有經之師當先求感應然後傳之當入室燒香密願神明乃心拜經前微祝之曰

太上元君仙都大神今日吉日八顧開陳欲傳申上法敢告靈元未知可否須應乃宣祝畢便寢必獲靈應子自知其善否之心審可授之方也

玉清消魔王帝祝鬼衛靈上法二十一

玉帝祝曰



九天有命上命玉清促召千真俱會帝庭太  
 一下觀雙皇翼形鑿察萬邪理氣攝生若有  
 不祥于試神明請帝之道勅整神兵七神東  
 鉞天鋒右征揮劍前驅煥擲火鈴檄命甲騎  
 武卒天丁風火齊戰伐邪校精上威六天下  
 攝魔靈既威既攝萬凶滅形神戈電掃姦妖  
 無生仙皇秉節有令敢停拒節違令是誅是  
 形各警各慎保茲黃寧九天告命萬神敬聽  
 畢兆若夜行畏恐心震意怯或惡夢之時魔  
 鬼試人犯真千氣欲疾病害人者急行玉帝  
 祝鬼衛靈之法兆當心存至道求濟於帝一  
 乃北向叩齒三十通閉氣密祝祝畢又叩齒  
 如上嚙液十過於是姦惡消摧群魔伏滅七  
 神纏綿太一鑿攝萬靈衛真外威凶氣亦可  
 日日誦習振響唱誦坐卧隨意以塞百邪之  
 來試閉姦鬼之凶跡當卧寢亦常可誦之令  
 人神安意明辟除厭消諸姦惡使終身不  
 恐諷習之日不復北向閉氣也以閉氣密祝  
 者謂鬼魔已試其左右秩精已于其神室故  
 勅靈命真以收其凶跡耳而寢卧之祝不復

同之於此法也

玉清消魔道士叩齒節度法二十二

凡上清叩齒嚙液之法皆各有方先後有次  
 不得亂雜使真靈混錯也夫叩齒以命神嚙  
 氣以和真納和嚙六液以運入刺神須鳴鼓  
 而行列矣

凡存修上法禮祝之時皆先嚙齒上下相叩  
 勿左右也一呼一吸令得嚙諸氣液耳此名  
 為呼神和真以求昇仙者也其法叩齒上下  
 相叩名曰天鼓左齒相叩名曰天鐘右齒相  
 叩名曰天磬也制鬼召魔可叩鐘磬行道求  
 真叩天鼓也

太上素靈道士聞耳鳴祝法二十三

聞耳鳴者錯手掩耳而祝曰  
 赤子在宮九真在房諸神聽命亦察不祥太  
 一流火以滅萬凶畢以手掩耳門一七過當  
 閉面熱即佳候也若聞頭頸間色色寒者惡  
 氣入也當急卧臨目存玄丹宮太一真君以  
 流火之鈴煥而擲之令惡氣即出耳外火光  
 亦隨之在後炯炯然以照一身良久手復也

太上素靈審察耳鳴吉凶法二十四

耳中忽聞瀨水聲雷霆及鼓鳴者是體中勞  
 損心藏極弊不能味真注生而淫放喪亂使  
 六府失攝魂魄衰號蓋將結疾致死亡之兆  
 矣是以泥丸縱法九官失常悲擾翻錯鳴鼓

亂行將欲舍其居館以棄一身也聞之者當  
 精念大一真君反速還專真心若罪未深者  
 自聽改也所以耳聾者耳神亡之故也

耳中忽聞金聲玉音者真氣未入道欲成也  
 忽聞絃樂之聲者六丁玉女來衛子道也當  
 隱靜專修所行動至之心愈彌於往也真人  
 因是遂有形見之漸矣自非爾師且勿言於  
 他人也

耳中聞蕭角之音言象貴至也聞叫喚號呼  
 之聲者凶象賤至也聞臭氣者必有瘡穢之  
 事急更衣沐浴燒香掃除寢宇以答之此是  
 帝君將戒勸於人者也

若聞血氣者及無故見聚血者其凶也急適  
 人聞守三元帝君求救自藏齋三月禍亦止  
 也此皆帝君先告人吉凶以令懼誠其禍福

(1052) A 24-1

耳夫見凶象當行陰德管於惠救為人所不能為行人所不能行者始免乎必死之候也子其勛之勿守常而已

金真玉光施安齋堂五方符法二十五書符都畢北向叩齒三十六通微祝曰

九天有命普告萬靈三代相推五氣交并玉帝顯駕巨響霄庭施布正法收魔束精剪戮元秋萬道齊平道流後學帝君記名招真洞幽氣交無形變景鍊道并上三情得迅飛輿上造玉庭畢隨位置符真仙立降身無禍殃學無此道鮮不喪身可謂妙法不學自仙也

十六 金真玉光行道服氣存思三真法二

上元宮泥丸中腦是也其神赤子字三元先一名仲玄生帝卿

中元宮絳房中心是也其神真人字子南丹一名中光堅

下元丹田宮臍下三寸是也其神嬰兒字元陽昌一名谷下玄此三一之神矣欲拘制魂魄時皆先陰呼其名存三神皆玉色金光有

嬰兒之貌中上二元皆衣赤下元衣黃頭如嬰兒始生之狀行道服氣時亦存名字

七聖玄紀仙禁七傷法二十七 凡學士玄紀有名身合仙相則應自然合真而有

第一之傷帶具行偽淫色喪神魂液泄瀉精光枯乾氣散魄零骨空形振神泣窮府上聞天關真仙速遊則與九塵結因土府同符宜復得仙

第二之傷外形在道皮好念真而心抱陰賊凶惡內臻願人否敗壞能妬賢口美心逐面歡內嗔形論得失妄造罪原毀謗同學攻伐師根三官所記標為惡門仙真高逝邪魔攻身走作形影飛散體神故令枉橫極其惡原考滿形及滅已九泉徒有玄名豈保自然

第三之傷飲酒洞醉損氣喪靈五府攻潰萬神振驚魂魄飛散內外朽零本室空索赤子悲鳴真仙高逝邪魔入形如此之學徒損精誠雖有玄紀空失玉名神昇上官身反幽冥恍惚求延年馬久侍

第四之傷行不弘物責人宗仰心忿口形罵詈無常瞋喜失節意性乖悞氣激神散內真飛揚魄離魂遊九孔塵埃五府奔喪皆由性之不純行之不祥真仙高逝外病入形如此之學將欲何蒙雖有玄圖不免斯殃望仙日悠地里日長

第五之傷或玄圖表見得受寶經或運遇靈師啓授神文或不依科盟形泄天真未經九年投刺名山使青官有錄金闕結篇便傳於人流散世間輕真泄寶考結己身徒有玄名反累七玄仙道高逝身死幽泉長充鬼責萬劫不原

第六之傷身履穢穢形影不香內無清虛外無蘭芳清靈失仙神不居房氣擾精混靈元失光五神飛散赤子騫揚邪魔來攻內外交喪如此之學望成反傷真仙高逝空景獨行淪於混濁仙乎可蒙

第七之傷啖食一切含生之內殺害足口之美臭氣充於臟腑伐生形於非已真氣擾於靈門遊神駭於赤子魂魄遊於官宅濁滯纏



於口齒仙真登高於玉清已身沈頓於地里徒有玄名於帝簡亦不免於必死

高聖帝君曰為學道之本當以七傷為急既得瞻眄洞門杖親玉篇不犯七傷之禁將坐待靈降白日昇晨如外勤在學內不違於七

傷者將望仙而反敗期生而反亡希吉而反凶期飛而反沈靈仙遊於高消五神散於八荒赤子號泣於中宅遊魂悲鳴於玄空故仙相有成敗上學有七傷為尚之士孰清其真

靈書紫文仙相十敗法二十八

第一敗勿好淫淫則魂液外漏精光枯竭神焦魄散骨薄髓穢魂號靈府上開天閣三宮權爭胎英悲錯此一敗仙相

第二敗勿為陰賊凶惡凶惡則黃庭競亂三尸好殺魂神窺姦魄鬼于室目光亡敗口生傷氣此二敗仙相

第三敗勿醉酒醉酒則形質淪壞神真交錯魂忘本室魄遊邪宅赤子飛鳴喉腦火灼此三敗仙相

第四敗勿穢慢不淨穢慢不淨則清靈失真

精魂不居三宮生蟲赤子浮游血濁髓臭神先失盧魄走邪門求我死書此四敗仙相

第五敗勿食一切含生之肉則元形喪始根本亡度胎神號咷絳君叫暮三魂慘毒魄素丘墓此肉入口命墜長夜此五敗仙相

第六敗勿食一切水中有生之肉則形神犯真泥丸滅落三宮閉門見交錯魂爽飛遁魄來棺槨此六敗仙相

第七敗勿食飛鳥肉則氣形聲臭精靈濁滯腦黃齒枯脾胃死氣魂不受真魄生邪動身

沈長淵骨髓亡改此七敗仙相

第八敗勿食五辛之菜則五臟惡臭三華潰亂神不上達精胎下淪魂魄生離赤子煩頌飛靈失守眼光流遁此八敗仙相

第九敗勿殺昆蟲以上則共對萬物束骸血恣形暴魄凶魂氣交戰胎靈仿徨嬰兒逃散泥丸姦狂赤子棄叛尸形陽鑊水煮火爛此九敗仙相

第十敗勿北向便曲仰視三光勿北向理髮解脫衣裳勿北向唾罵犯破毀王破謂處下

辰也王謂玉氣之所在也

勿怒日月星辰勿以八節日行威刑勿以月朔日怒恚

勿以六甲日傷龜龍鱗甲之物勿以丙午日傷雉勿以丙子日傷黑獸勿以庚申日別有他念當存思念真勿以乙卯日飲酒食肉當齋潔靜心

勿以正月殺生勿以二月九日食肉勿以三月三日食諸百草心勿以四月八日殺草伐樹勿以五月五日見血勿以六月六日起土

勿以七月七日思存惡事勿以八月四日市獲履履諸附足之物勿以九月九日起牀席勿以十月五日罰責人物勿以十一月十一日不沐浴勿以十二月晦內三日不齋燒香念真也

諸如此忌天人大禁三官告祭以是為重罪矣或令人三魂相疾七魄流競或胎神所憎三官受惡之時也是以惡夢交於丹心秋魁

乘其未闕精液觸犯神真恍惚流變多禁莫識忌術子能奉修則為仙才不奉天禁則為

傷敗者也

太上黃素上清法服法二十九

上清法服紫青作帔紫於外青於內帔廣四尺九寸以應四時之數長五尺五寸以法天地之氣表裏一法表當令二十四條裏令一十五條以應三十九帝真之位爾者身佩帝皇之服故也無此服不得妄動寶經此法服給玉童各十二人不得妄借異人并犯穢穢輕慢神服

女子紫紗之褐令用二丈四尺身袖長短就令取足當使兩袖作十六條身中二十三條合三十九條又作青紗之帟令用四十五尺作八幅幅長四尺九寸餘作繫腰分八幅作三十二條此則飛青之帟也無此法服不得誅於上清寶經此服給玉女十二人不得妄借異人并犯穢穢輕慢神服

玉清消魔道士遊行山澤祝法三十

道士遊行王嶽履涉川澤當行三天正一之祝威試召靈致仙之法登山之初當先於山外叩齒九通閉眼思五色之雲勃勃四會春

冠一山及我身在雲氣之中良久見五嶽仙官及山形林中草木禽獸萬物悉來朝已仰祝曰

上帝出遊日吉時良玉華覆蓋太一扶將左翼白元右輔無英八帝九真陵梵履昌導我

送我與我同光履行五嶽羣仙奉迎出入河海萬道開張役御六丁足躡五行三天有命

盪除萬凶豁落掃穢流金滅殃正法清通嚴如威霜華精奕奕龍興昂昂流青翠羽飛錦

羅裳所向所之靡不吉昌萬真來朝齊昇玉京畢引氣三十六噤止行此千日得五嶽真

仙降雲車羽蓋飛行太空  
凡道士入山良月吉日禁忌之法

道士欲入山以三月七日吉又法春不東山及西山夏不南山北山秋不西山東山冬不

北山南山  
入山良日保壽專日吉制伐日並凶

甲子丙寅丁卯巳巳辛未壬申癸酉乙亥庚辰辛丑庚戌戊午此是義日吉  
丁丑丙戌甲午庚子壬寅癸卯乙巳丁未戌

申巳酉辛亥丙辰此是保日吉  
戊辰巳丑戌戌丙午壬子甲寅乙卯丁巳巳未庚申辛酉癸亥此是專日吉

乙丑甲戌壬午戊子癸巳甲辰庚寅辛卯乙未丙申丁酉己亥此是制日凶

庚午丙子戌寅巳卯辛巳癸未甲申乙酉丁亥壬辰癸丑壬戌此是伐日凶

道士若卒遇凶惡不祥當打天鐘三十六過叩左齒也

道士若經山辟邪威神大祝當槌天磬三十六過叩右齒也

若存思念道致真招靈當鳴天鼓三十六過叩上下齒也

凡道士獨宿山林而多為山精惡鬼所犯試者當叩齒二七通閉氣祝曰

吾昨被帝召攝領真元令我封掌此嶽摧割

鄧山萬靈受事俱會帝前七神啓別三元司真若有小狀即時棄殘山精澤尉連來奉迎神師口命上聞三清一如大洞之法不得稽停祝畢又叩齒二七通此為帝君補神祝伐

山精百鬼之法諸山神地祇房祠主正之神聞此之祝皆執鞭奉迎神兵侍衛若與萬人同宿矣

凡受三品上道或未得上登三清受號仙主者多為天魔所試萬靈所干也宜誦拂魔之

祝上動上天之靈音下召三界之威神束萬精於天鍾斬杖魔於洞章行此之法常當北向先存項生圓象如日左有朱鳳右有玄龍紫霞覆蓋光明身形仙童玉女執五色之節從三界萬神前嘯九鳳後吹八鸞白虹啓道太極參軒畢叩左齒三十六通次叩右齒二十四通次叩上下齒十二通而祝曰

羅天毒獸備巨四門吞沈割誓山醜萬群張喉攫天猛馬高奔毒龍奮爪金頭橫吞威女巨萬受符校仙六天不拘合凶成群杖魔鼓洋機氣紛紛謠歌空洞亂音鄣雲小鬼賈刑當人生門神王所告無幽不聞上攝六氣下檢河源五嶽四清善惡速分萬萬千千來對我前五帝校錄有功者原凶魔千真東形帝君敢不從命所誅無錫屠肝剝腹斬首滅根

北鎮濟陽南陵火墳金真錄氣流鈴捕魂杖奕無遺極盡形源身佩天書道行正文滌蕩九氣清明三元玄虛舉其上合自然莫有干試改動上聞畢引氣十二嚙止

右智慧拂魔之祝  
凡是學士遊行名山在百鬼之間獨宿振怖及嬰抱疾病群鬼守門誦之一過將似鑊湯之消冰炎火之洋金也魂神澄正氣安體強目非稟命之應終求死不可得矣  
上清修身要事經

正一法文修真旨要 卷五

服日月光芒法

大方諸宮青童君常治處其上人皆天真高仙太極仙公上御司命之所在也有服日月光芒法雖已得道為真猶故服之直存心中  
有日象大如錢在心中赤色有九芒從心上出喉至齒間即迴還胃中如此良久臨目存見心中胃中分明訖乃吐氣吐氣畢漱液三十九過止一日三為之日出時食時午時行之一年疾病除五年身有光彩十八年得道成真日中行無影辟百邪千災之氣常存  
日在心月在泥丸中晝服日芒夜服月芒服月芒法如服日法存月有十芒白色從腦中下入喉芒亦至齒而咽入胃一云日芒常服月芒從月一日至十五日已前服十五日已後不服謂十五日已後月減光芒損天氣故言止也又云月一日至十五日已前服日十六日至月終服月也  
右此法方諸真人法出大智慧經中篇常能用之保見太平南極夫人所告行此法日在

